

Entrada na Museo Historico (Willem III Toren) y
Museo Arqueologico ta gratis awe

Awe ta dia internacional di Museo



ORANJESTAD (AAN): Awe mundo henter ta para un rato keto pa celebra dia mundial di museo. Na aña 1977 a cuminsa cu e celebracion special aki y desde e tempo ey tur aña ta para un rato keto riba e rol di museonan riba dia 18 di mei. E rol cu museonan mester hunga den comunidatnan di awendia ta como un institucion den servicio di sociedad y di su desaroyo.

Anticipando e celebracion aki, Minister Michelle Winklaar encarga entre otro cu Cultura, a haci un bishita di orientacion na Museo

Arqueologico. Aki el a ricibi un presentacion di varios experto for di e museo cu a splica di e rol cu museo ta hunga den mantene nos historia bibo.

Na Aruba nos conoce varios museo di cual algun ta cay bou di Gobierno y otro nan ta worde considera como museonan priva. Asina nos conoce Museo Arqueologico, Museo Historico y Museo Numismatico. Tambe nos conoce museonan priva manera ta Museo di Deporte situa na Alto Vista y Museo di Trein situa na San Nicolas.